



七五

崇禎八年九年

國權

鹽官談遷孺木著

乙亥崇禎八年

七月朔山西臨縣大冰雹三日積二尺餘大如鷲卵傷稼

諭禮部考察貢士優劣

庚戌總督倉場戶部侍郎程註劾罷

故龍國光贈都指揮僉書

辛亥平谷遵化蝗

建出宣府境

南陽知縣蔣惟芬密訐唐王下獄擬戍不允
吏部上元臣年貌履歷又會推在籍禮部左侍郎林鈺禮
部尚書孫慎行順天府尹劉宗周
壬子宋裕德嗣清平伯
靜樂陽曲地震丁巳又震

癸丑琉球入貢

甲寅命召在籍三臣

乙卯叙鵬剿巴香巴香功贈故貴州總兵王國楨太子少
保餘陞賞有差

丙辰命求故都督戚繼光之後止一子無孫

故隴州知州胡爾純子宗瑗入國子監

戊午工部右侍郎李邁知為戶部尚書總督倉場

庚申陝西寇奔潰四出

辛酉工部侍郎程紹欽仕

壬戌遼東寧遠衛中左所井鳴沸三日不絕

癸亥寇陷澄城縣知縣毛昂霄他出

青山西總兵尤弘勳逗怯縱寇

甲子 工作小學新序

癸酉巡按湖廣御史余應桂言有司私派之害 工是之
下部重處

禮部前議王官考察命仍遵祖制其屬官賢否俱聽王分
別自奏文移即用欽依不許用知會等字至撫按三司亦
必先啟王

命取除慶四年大學士高拱邊才疏
命今後鄉會科場硃墨詳列考官職名便覈

大同總兵官王樸援山西

甲戌少詹事文震孟刑部右侍郎張至發為禮部左侍郎
兼東閣大學士直文淵閣時震孟引疾不預票擬蓋特簡
也溫體仁揭薦陳子壯蔡奕琛

丙子召廷臣於中左門除正堂不考餘皆試時政邊才論
又出各疏命翰林官票上

甘學淵為右僉都御史巡撫陝西

諭戶部運糧用車戶何又僉派紛擾其更議濟運安民之
策

兵部考選軍政

河南蝗

田惟嘉孔貞運為吏部左右侍郎倪元璐為國子祭酒張四知為南京國子祭酒

八朔寅朔

辛巳議城鳳陽命科給事中林正亨同欽天監官戴圓往鳳陽會南京科部視地相度

壬午總督漕運劉榮嗣以駱馬湖淤運請挽黃河自宿遷至德州開河注之計二百餘里估費五十萬上切責之以修工未半輒請勘銷潰決日久何虛糜十萬金錢也

癸未南京左春坊左

王鐸署翰林院事

屈可伸許士柔為左春坊左

閃仲儼劉若宰為右春

坊右

黃景昉丘瑜閃仲儼直日講

總兵官董用文援保順

甲申調王承恩兵五千甘肅寧夏兵五千鎮寧兵五千馳

赴聽洪承疇度調

山東援剿副總兵劉澤清改延綏東路

命科部各官分地督運從太監張彝憲之言

丙戌命謚理學遜國諸臣

張鏡心為南京光祿寺卿

戶部議江西大水乞改折不許命撫按加意軫卹

丁亥出太僕寺金三萬給總督洪承疇備犒

予故

李應星祭墓

庚寅諭工部省直應解軍器屢頒式未遵茲特頒予十部
庫各存其一餘分頒省直做造自九年為始

己未南京

道御史郭維經言元兇漏網國法宜平宜

正溫體仁之罪奪俸二月

丁酉商維冠盡入河南犯盧氏

戊戌寇六十餘騎自武安青塔徑趨遼州次日又數百騎

知縣寇遵典不以聞青塔距縣百餘里

己亥刑部浙江司員外郎胡江以撤稅監因攻溫體仁尤

當罷上怒下獄削籍

癸卯命董用文赴彰德夾剿

巡撫盧象升進兵部右侍郎兼右僉都御史總理直隸河

南山東四川湖廣等處軍務洪承疇剿西北寇象升剿東

南如寇入秦象升進兵合擊其監軍道河南戴東吳湖廣

苗昨土南直史可法各往來并催運各營糧餉

甲辰梁廷棟為兵部右侍郎兼都察院右都御史總理宣
大山西軍務兼理糧餉

乙巳夜祁陽王火府撫按議分城各居命徙於鄰縣

丙午諭致治安民全在撫按道守令撫道得人則守令自
肅年來推陞撫道內地兢營邊徼規避或其老耄貪庸又
情面姑容兼以守令不才民生愈悴今後吏部務在詳核
見在撫道不堪者科道直糾按 祖宗朝保舉成法可遵
着兩京文職三品以下五品以上各舉堪任知府一人
論科第貢監翰林科道在外撫按司道知府官各舉州縣

官一人止拘貢監吏士過期不舉者議處失舉連坐其議
始吏部呂大器

張自烈曰進士舉貢監生中亦有僅堪任州縣而不堪
任知府者監吏士民中亦有堪任知府而不止於堪任
州縣者然則謂堪任知府專屬之進士科貢堪任州縣
專屬之監吏士民吾未敢信也兩京文職三品以上亦
有不知進士科貢某某堪任知府而知監吏士民某某
堪任州縣者五品以上及翰林科道等官亦有不知舉
貢監吏士民某某堪任州縣而知進士舉貢某某堪任

知府者然則謂三品以上宜專舉堪任知府五品以上及撫按司道等官宜專舉堪任州縣吾又不敢信也夫取人必因其才不宜限以資格如必求堪任知府於進士科貢求堪任州縣於監吏士民則監吏士民雖有堪任知府者舉主以為非詔旨所及而不肯舉進士科貢雖有堪任州縣者舉主又以為非詔旨所及而不敢舉兩不舉則兩誤古量才授官不如是也舉賢必隨所知不宜拘以事例如必文職三品以上專舉堪任知府五品以上及科道撫按專舉堪任州縣則科道撫按實知其堪任州縣以不當舉堪任州縣而棄之文職則文失古各舉所知又不如是也吾所謂明詔一二未盡善者如此

命廷臣脩省祈雨郊壇

丁未王業浩改刑部右侍郎蔡國用為工部右侍郎周鼎為工部右侍郎兼右僉都御史總理河道提督軍務李玄杜三策為大理寺左右少卿諭兵部流賊自杞陝豫直南一帶俱用防扼南京武備久弛着范景文同內北守備兼行整飭

九
庚戌故科給事中葛應斗戍邊

逮總理河道工部尚書劉榮嗣初榮嗣以黃水濟宿遷德州之運既鑿俱黃河故道朝河暮河不可以舟今歲駱馬湖適平漕者入泲不可新河榮嗣自往嗣之入而甚艱於是南京刑科給事中曹景參劾之被逮中河工部郎中胡璉坐贓多論死首事不由璉侵費不由璉人頗惜之

加祖寬援剿總兵聽征

債將牛維極戍邊

壬子涿州左右翼營委官龐得功等二千餘騎過南關夜

夷兵逃十之一

甲寅援西遼兵五六百人以闕餉自昌平逃鄉間

丙辰國子監祭酒倪元璐上言大學陵夷原其所繇惟以

納粟納粟興而教必廢其說有三以背入矣既不復得清流之官極其致歸州佐邑丞止耳三代以後之士莫不借功名一途引之道德既期菲薄豈有陶成一也監生致身之路別縣科舉科舉取工時文一日而遇即可芥拾大科學於成均咨行考文踰年董之僅取丞倅誰不舍此就彼二也以教成為期有在監十餘年不得撥歷今既取其背

又無優除更益淹稽懼皆畏足不得不變半分一分七分
八分之數為二十四月十一月八月六月之期撥有成期
教無滿法教不成而期已及何術留之三也故援納未停
貢舉未復而言教士者說鈴耳遭逢 陛下力更獎令與
才振德千古一時宜先定規模盡於八議一分合流品貢
選援納劃然兩途請以貢選為正流援納為閏流貢選教
成不限撥期惟積分數滿為率援納則依原定撥限期滿
為率所謂分也援納中必有英奇之士請嚴加選遴拔其
尤同貢選一體教習亦必題明奉旨後准改流其法二十
取一又黜貢選之不率者退處閏流遇季考科試則兩流
不分所謂合也議審定教法教習貢選自廣業堂迤升至
率性則與積分積分者五月試經義仲月試論詔誥表季
月試經史叅判文理俱優予一分理優文遜者半分歲積
至八分為及格撥歷出自不及格者仍坐監讀書其援納
一輩考分三等上者遊板請旨同貢選積分次亦以貢選
之教一之惟不輕改流不程分數又次必使講讀律令稍
通治民大義他時雖幕倅蠅螿亦可而墻議慎選六堂六
堂分司教鐸請吏部博訪名儒不拘甲科舉貢一品端學

正一博物多聞一老成拘方一慷慨特達才地偶平則咨
部調改不肖失業即應時糾劾稱職必久任久任必優擢
又助教以下同博士考選非徒彰勸亦以示平議崇尚經
學聖神首出崇經右文海內通經之士層見輩起聞萊
陽諸生趙金鵠年十八通貫五經又聞有通十三經者即
士如此豈可處之璧觀虎闈之外耳今各處有司不拘廩
增附學有通三經至十三經者驗詳撫按送部廷試發雍
肆業又小學頒行并宜令諸生兼治春秋一法也議申闡
文體以五經為師五經平正之歸從無凡語請自兩雍以
及天下郡國衡文之司苟求崇體必無抑才抑才之誅與
滅體等議分別選格繇積分出身上等優選次等本選三
等下選皆繇吏部莽、匆、一日之試而定今以太學銖
、兩、歲月之驗而分非侵官也議召試簡授今教法盡
復果有殊異卓絕特奏候御便殿召試之或給筆札或垂
問難有當聖心破格擢授否即已之其甚不稱司成並罰
議清楚歷事積分歷事即進士觀政之意自積分法廢有
正歷雜歷之分正歷止朔望一揖雜歷乃用之寫本雜役
又復開贖歷之例聽覓替身豈養士之意今請歷事無分

正雜凡當咨撥一照各衙門分派以本監考第為期之多寡上等三月中等六月下九月教之政事一切謄寫猥差悉為革免滿日考其勤惰開報吏部凡斯一議臣所為規模之大者悉本高皇帝成憲非臣臆說也疏上下部覆行其召試簡授俟後命

楊御蕃為鳳陽總兵官專護陵寢

戊午錦衣衛王世盛除名

庚申錄囚四百二十八人張我續吳振纓論決

辛酉王道直為南京右副都御史提操督江

壬戌諭南京操江御史王道直曰南都武備廢弛已久戰

艇朽壞器械鏽鈍兵多虛冒沿江上下遼瀾奸兇易生爾

到彼會同操臣李弘濟及內外守備戶兵二部互相商確

各期振作向來南官但養資俸今須實心立事大破情面

以副委任又南方最苦濫詞牽累亟宜治刁息訟以安民

心已經向諭惟恐遺忘特再申明勿得泛視

癸亥郭建邦為南京通政司右參議

提督太和山太監馬應辰疾免

布衣魏文奎上寶測新曆

海盜劉香舉家六十餘人至黃華降於溫處恭將
屬又千餘人

部

乙丑錦衣衛進活輪戰車式

己巳薛國觀為太常寺少卿提督四夷館

工撤膳費萬五千金并各宮一萬八百金助陵工

故密濟民吳鳳來贈國子助教盧大受贈學錄

何承光贈夔州知府

梁志仁贈蘄州知州

陳諫

贈會寧王簿平思仁羅田主簿

南京大理寺卿陸世科劾罷

壬申閣臣捐助陵工

工科給事中范淑泰言陵寢失事實由楊一鵬一鵬撤防

實由王應熊使應熊不擬此旨何至失事他人可捐助在

應熊不宜捐助也應熊大沮上揭引罪

丁丑時漕虧二百餘萬視舊歲減六十餘萬上責巡漕

御史確奏

王忠為總兵官鎮守山西

陳贊化為太僕寺卿起王心一應天府丞

是月故總督陝西兵部右侍郎楊鶴卒鶴字修齡武陵人

萬曆甲辰進士知維南長安拜御史癸亥遷大理寺丞尋
太常少卿提督四夷館巡撫南贛汀韶夏去起右僉都御
史尋改左歷總督適寇蔓專主撫貽累
熒惑犯太微

十 戊寅朔素鯨為右通政

庚辰湯道衡為右僉都御史巡撫甘肅

辛巳巡撫登萊東江備兵援遠恢復全復海蓋贊理軍務
兼管糧餉右副都御史陳德元罷吏部謂登撫可裁兵部
謂不可遂推山東左布政使勞永嘉不許

丙戌大學士王應熊罷

逮福建左布政使申紹芳

癸巳先是吏部尚書謝陞擬陞工科都給事中許譽卿以
南太常請論資俸深淺分南北蓋與溫體仁意難之何吾駟
文震孟在直擬旨不必注定南北部執如初譽卿請告吾
駟語震孟曰還以太常卿而去陞遂舉卿舉卿家居已
久遷京堂非過格於銓輔而文震孟未之知也

丙申國子監祭酒倪元璐遵例引罪且曰今之人情率有
四遁曰縮朒多畏曰揣摩善窺曰畫畔自了曰悠忽坐廢

縮朒多畏者動疑有凶靜保無咎於是功稍難則歛手塗
小險即抱頭決事惟首鼠之可安奉職以循墻為無過道
一矣揣摩善窺者不曰事理不易而曰上意如何不曰
余影難欺而曰耳目廣有測意旨而求合者必無可信之
心畏耳目而思避之必有欲為之事於是主張全失奸弊
日聞遁二矣畫畔自了者胸無通盤之策詛昧同舟之扶
所量在金錢決不顧郡邑有字氓之吏所牽在文墨或不
問封疆當僇力之時坐俾民悼所天衆輕其長道矣悠忽
坐廢者官稍閒即云局外事非我之由人曰夷狄之患亦

既廿年粹或問之際多失對守令之求亦既再月少可應
者惟見榜徨皆繇世務人才平夙未嘗經念遁四矣循此
四者誤國有餘誠勅諸臣極力洗心其材自見上是之

兵部 侍郎鄒維璉罷

總督宣大楊嗣昌憂去

甲辰太監高起潛弟詹錦衣衛中所正千戶世襲

乙巳諭曰朕以涼德繼承大統意與天下更新用還祖

宗之舊不期倚任非人遂致猖寇起夫建州本我屬夷
流氛原吾赤子若使撫御得宜何敢逆我顏行以全盛之

天下文武之多人無奈夸詐得人實功罕覩乃三八寇
則七年師徒暴露黎庶顛連國帑匱絀而徵調未已閭閻
彫劫而加派難停中夜思惟業已不勝媿憤今年正月復
致上干皇陵祖恫民仇責實在朕於是張兵措餉勒限
責成佇望執訊殲渠庶幾上慰下對又不期諸臣失策再
令潰決猖狂甚至大將辱於小醜兵民敢於無上地方復
遭蹂躪生靈又罹湯火痛心切齒其何以堪若不大加剿
除字內何時休息已再留多餉今再調勅兵立救元元務
在此舉惟是行間文武主客士卒勞苦饑寒深切朕念
其風餐露宿朕不忍安卧深宮念其飲冰食糗朕不忍獨
享甘旨念其披堅冒險朕不忍獨衣文繡茲擇十月三日
避居武英殿戒膳徹樂除典禮外餘以青衣從事以示與
我行間文武士卒甘苦相同之意以寇平之日為止文武
官亦各省察往過淬勵將來上下交修用回天意總督總
理徧告行間貴仰體朕心共救民命密約聯絡合圍大舉
直搗中堅力殲勦寇蓋賊數雖多真賊原少勦者就殲其
餘自靡但防埋伏更番不可孤軍深入勿得貪取遺物縱
令奔逃仍復累糧相繼勿致中塗闕食有失機會賊首必

誅不赦外其脅從蚩蠢又不忍盡殺量開生路預行曉示
如投戈散去准免追求或乘間來歸即與安置已許零星
散遣不得仍携械馬本地方一體拊循嚴禁侵侮其鄉兵
除防守本地外有堪殺賊願從征者許另隊隨營總督洪
承疇已奉尚方總理盧象升亦許便宜行事有戎政光祿
太僕共發銀十五萬內庫發大紅各色蟒段絹布二萬匹
分解各路令巡按御史為監軍監紀稽核將士有功督理
軍前立賞格或椎牛犒賞以鼓其氣務賞罰明速以免沈
延倖冒之弊

月一申姜曰廣為南京吏部右侍郎起梁廷棟兵部右侍郎
兼右僉都御史總督宣大山西軍務兼理糧餉

庚戌何吾騶以許譽卿事奏辨云 皇上一詢錢士升必

實告士升因言十月十六日謝陞參許譽卿疏御批改票
諸臣共商臣果曰冢臣參疏原重已復述同官之意於溫
體仁聽首臣酌議當日情事如此今吾騶疏有首臣私詢
之同士升臣在直幾二載與首臣公見外絕無往來據稟
公言外絕無交語而突以私之一字相加臣不受也
癸丑大學士何吾騶致仕文震孟冠帶閑住工都給事中

許譽卿削籍震孟自恃特簡於溫體仁無所依附嘗與體仁論庶吉士鄭鄞補官體仁謂館例未例震孟曰晚生叨冒至此豈宜但復庶常體仁云從容再議已擬謝陞參疏欲奪許譽卿俸體仁難之震孟作色擲筆曰即削籍無害體仁夕揭上明日二相同罷由擬票時相持相激也震孟負物望大拜財兩月雖關門特達之遇齟齬同官輕付一擲識者惜之

乙卯賊薄河南屯雒河明日以祖寬左良玉兵至南奔偃師時賊部三十七萬行塵天絡繹百里

丙辰賊會於白沙連營六十里祖寬擊之斬首千餘級賊奔光州

南京工部尚書劉定國致仕

楊爾興為右僉都御史巡撫登萊東江

丁巳逮前庶吉士鄭鄞鄞繼母大學士吳宗達女弟而鄞薄於宗達嘗揭其杖母蒸妾等事故事詞林先題補始應命鄞先來京覲遷溫體仁即以宗達所揭入告下獄已未流賊攻南召不克走魯山辛酉夜復至河南焚關廂而西

壬戌禮部署部事右侍郎兼翰林院侍讀學士陳子壯奏
宗秩改授匪易臣愚參酌有未必然者三有不可行者五
請為陛下籌之國家設資格以處常才而又不純用資
格以處非常之才文職四品及京堂在外五品上官有關
以名聞五品以下吏部銓注今進士初任亦循甲第迨不
次擢用若非殊庸異績及國家異變未始拔卒為將徒步
而至卿相者宗才換授非多於萬邦之黎獻也將資格可
以不論而非非常之才亦可輩出乎臣竊以為未必然也自
宗籙四民之業開文則文科武則武科今謂進士豈必賢

於鄉舉則鄉舉亦豈必賢於貢監貢監亦豈必賢於齊民
夫然則天下胥為齊民以待舉已矣又何必辛勤偕計以
待有司之續食乎則謂科舉而外遂足以盡才臣以為未
必然也科舉之制漢人經術宋人道學不出乎此其獲雋
者節義勲伐於此乎出否亦耗雄心銷餘畧亦不失為白
首窮經之士此祖宗磨勵一代之善物也有通科目之
文而不能窮理致用者未有不通科目之文而能窮理致
用也今宗籙中將軍中尉有祿食之貴讀書有科目之望
可更進更勞耳使見不屈首讀書亦得掇行奇榮以去誰

肯避逸而趨勞乎而謂將有劉向李勉趙汝愚之才按洪武開科定制猶在未嘗以換官職與科目並著國初親王有每年朝覲之禮凡遣使至朝廷不須經各衙門直詣御前且守鎮兵演練者此大都開創之體制則然如前數者獨非祖制乎亦將議而行之否也臣因有以知其不可矣國初親王祿萬石改絹鹽菜亦復萬計不數年止給祿米不給雜用又不數年減為萬石又不能給而代肅遼慶寧谷諸王且歲給五百石高皇帝令自己出而前後已如此夫祿與爵一也祿猶可視物為虛盈爵則名器所繫一假不可即收吳王几杖之賜叔段京鄙之末又將何以限量乎入河套襄陵王冲炆願率子弟及婿與總兵官從征不之許也惟陛下俛賜採納允罷前議藩規銓政所全實多

戊辰賊掠靈璧

壬申禮部右侍郎陳子壯下獄有旨宗室有文武才能考驗換職宜詳議要確陳子壯敢於非祖間親欺罔恣肆革職下刑部

蔡思充為南京工部尚書王夢尹為右僉都御史巡撫湖

廣

總督

兵部右侍郎兼都察院右都御史史永安罷

甲戌賊於宿州浮屠集分掠永城蕭縣

丙子予故刑部右侍郎王之寀祭墓

前順天府尹劉宗周以十月傳召見朝因引咎乞歸 上問

其傳自何人據實奏聞

十月二寅城鳳陽

庚辰部覆巡按御史王肇坤所言援兵宜合不宜分及禁

割級禁貪財禁殺良擄掠奉旨逐款施行其奪獲馬騾賞

有功員役從之

壬午鑄總理直隸河南川湖山陝等處軍務兼督糧餉關

防

甲申前禮部尚書孫慎行應召至京疾甚免陛見

試武剛車於明德殿

乙酉先是李自成入汝州自魯山葉縣越光山固始是日

陷光州商城屠之

丙戌巡撫雲南右僉都御史錢士晉卒士晉字康侯嘉善

人萬曆辛丑進士授刑部主事歷郎中治挺擊之獄獨右

王之案出知大名府奏最歷今官年五十九

已丑以閣臣揭吏部尚書謝陞等所奏起廢除封疆永戍
貪酷及物故已蒙起用降用外所列張士範等一百六人
俱查原案詳述聖旨臣等伏思廢遣諸臣雷霆總屬天恩
諸臣方切悔艾之誠即銓衡敢萌市德之念惟是四方多
警人才實難或情罪微有可原才力尚堪驅使倘蒙前洗
策勵新圖 皇上自有睿斷非臣等所妄議也

錢士升曰先是寬恤條款議及罪譴諸臣奉旨下部刑
部方具招列名疏請旨未下而德州為太宰即欲疏起

用余謂公意固美蓋俟刑部疏下先釋罪而後起廢方
有次第德州云此不可緩其意甚銳余度必敗事復遺
書欲其少俟而回札堅守前說詰朝疏上臚列無有遺
者併當日得罪情節悉為粉飾 上大怒切責遂下選
即於獄而事不可為矣及是覆請凡一百六員余獨在
直因進此揭以為將順擴充之機而其後擬票僅以數
人了局則秉國成者一手握定同官無所聞其口矣寬
恤德意竟成也膏惜哉

庚寅進姜逢元太子少保

辛卯總理盧象升次信陽尋敗李自成於確山斬五百六十四級

壬辰翰林院簡討張居以故滋陽知縣成德刊揭有張居之五千金史塗胡為直受因疏辨報聞

癸巳奪總兵許成名都督

故大學士史繼偕贈少師

進祖大壽太子太保

乙未故行人楊子楷殉難廕子入國子監

丙申故刑部右侍郎王之寀贈兵部尚書

丁酉萊陽貢士孫鳳毛以城守功授中書舍人

戊戌雅黎叅將羅子華擊賊於漢南敗之窮追至子午谷

奪所掠子女二千口賊奔饒風關

辛丑建二十五騎自昌城渡江至朝鮮脅其兵三千人

癸卯賜唐王祖訓會典五經四書二十一史通鑑綱目忠

經孝經

李賊自成陷和州殺知州黎弘業守制御史馬如蛟等直趨

江浦焚蘆洲自成等前匿英霍夏若暑不出弘業後贈太僕寺卿

丙子崇禎九年

正月未朔總理盧象升師次鳳陽諸道兵畢會

庚戌

常汝攝太和王府事 上惡汝字改

壬子流賊高迎祥張獻忠犯滁洲攻兩日夜不克行太僕寺卿李覺斯知州劉大鞏率士民固守賊雲梯六地百計攻城以死士焚梯礮擊賊死甚衆賊怒掠婦女數百裸淫斷首環嚮堞植跣而倒之露私以厭礮守陴不忍視燃礮皆裂覺斯立取圍諭如其數懸堞外嚮燃礮皆發賊大創

攻益急盧象升馳援命祖寬以勁卒為前鋒賊已墮西北兩關官軍爭奮賊大潰逐北五十里斬一千二百級獲械甚衆楊世恩截于定遠斬六百餘級劉良佐復扼于廣武賊遂突池河乙卯守禦劉釋五百人守池河之東崗賊萬衆並至光輝力竭赴水死一軍皆沒

甲寅李自成攻固始別賊陷靈臺

乙卯副總兵祖大樂自淮北趨開封歸德敗賊於龍山

丙辰左良玉值李自成於閩鄉相持三日陳永福援之良玉斬九十一級賊東趨江北又別賊後至自桐柏唐縣偪

隨州

丁巳錦衣衛提督東司房鄒之有進都督同知
戊午故禮部尚書孫慎行贈太子太保謚文介予祭塋
慎行字武進人萬曆己未進士及第授編修歷令官
性恬退家居日久天啟初爭紅丸一案識者疑之去年應
召卒京師

王思任曰四朝以來讀聖賢書能蕪頑立懦者文介公
一人耳吾極愛薛歲星詩出即爭其是歸惟黯不言恍
然几几在望矣然而志安社稷道重綱常及起田間來
儀闕下是求威鳳於孤鶴也歲寒徵其後凋碩果存於
不食木壞琴存人間誰贖王言哉

寇攻壽州

己未掠穎上

癸亥賊自霍山六安直攻廬州飄忽千里攻廬州九日填
濠坎城無遺力知府吳太樸固守遂掠全椒破含山巢縣
圍江浦南京兵部遣池河浦口營提督總兵杜弘域援之
滁州潰賊陷懷遠甲子淮撫朱大典往援賊焚掠北渡
乙丑賊陷靈璧進逼泗州

丙寅故大學士成靖之贈少保謚文穆靖之初名基命字
靖之大名人萬曆丁未進士改庶吉士授檢討累遷洗馬
署司業崇禎己巳以禮部左侍郎進禮部尚書兼東閣大
學士庚午四月首相七月進太子太保文淵閣九月致仕
乙亥七月卒

戶部以措餉重加典稅額外捐助從之

丁卯進禮部左侍郎林鈺兼東閣大學士直文淵閣

雷躍龍為禮部右侍郎兼翰林院侍讀學士蔡奕琛為刑
部右侍郎劉宗周為工部右侍郎

戊辰寇陷蕭縣

烏兩淮鹽課十萬餉客兵

己巳陝西盜陷麟游殺知縣呂鳴世

予故推官李師聖祭墓

辛未山西官軍攻破柳榆寨斬賊四百人

祖大樂擊賊於永城斬千餘級獲騾馬萬頭

壬申別賊焚闔鄉明日從南山而北直至潼關不得入陳

永福敗李自成於朱仙鎮走登封密縣

兵科給事中常自裕言流寇數十萬最強無過高迎祥彼

多夷漢降丁堅甲鉄騎兵有紀律其在關中攻扶風數日破之洪承疇猶在咸陽渭水之南其在豫中直趨汝蔡破光州南城盧象升尚駐信陽俱如此畏縮即日報斬獲不過別營小隊耳於賊勢曾無損也今秦賊在宜君鄜州不過賊將當責秦撫豫賊在靈寶閩鄉盧氏永寧止馬守應等數營當專責豫撫而督理兩臣宜令專圖迎祥在洪承疇以王承恩孫顯祖等邊兵川兵二萬出關由汝魯疾趨光固遏其返在象升以祖大樂祖寬等關兵箠兵二萬由息穎直奔英山六安截其前淮撫朱大典督楊御蕃等屯於廬霍防其東突應撫張國維以許自強等屯於潛山太湖防其入安慶楚撫王夢尹以秦翼明等屯於麻城黃陂防其南衝唐鄧隨棗之間則鄖撫宋祖舜也時鄖陽棗陽土寇並熾

楊士聰曰向來督撫皆擁重兵故其驅使將帥如左右手然神廟之所至成功皆此法也自撫三鎮七之議待行徒欲偏重將帥以為敵愾之用而不知其勢漸盛成尾大督撫為贅設矣既成贅設而封疆有事仍責督撫類多抵罪而總兵如故非不欲責實畏之也朝廷畏

之而欲督撫制使赴敵是必督撫有術尊於朝廷之上
而後可也

起倫肇倫南京大理寺卿

癸酉何瑞徵為國子司業管紹寧為南京國子司業葛寅

亮為南京太常寺卿

河南盜自南山還商維

甲戌故

王信贈光祿寺少卿

孝陵樹雷火

二朔子朔寇攻桐城不利游擊潘

射中盜魁走潛山明

日城陷知縣

先道

河南賊攻密縣陳永福追

登封

戊寅國子祭酒倪元璐以積分奉旨舉行請特頒聖諭

上謂有

皇祖欽定監規毋贅

己卯寇至太湖奸人構醫官甘工達吏張如祥覬賊羊酒

遂渡濠陷城執知縣

不屈自經大殺掠

庚辰寇至宿松通判

署縣事先遁吏民出迎殺村人

千餘

盜犯竹山知縣黃應鵬僅棲草舍棄城遁徵糧六百石賊

食盡焚芟舍而去

盜劫文城縣獄出罪人牛應魁等

壬午總兵王進忠周維壩祖寬等擊汝州賊斬四百四十級

伊府萬安王采鑑言臣始祖伊厲王於永樂六年分封河南傳七世國絕有祖廟一太祖真容一臣郡祖萬安康懿王攝祀傳臣父恭宣王以萬曆戊申立福府徙臣永寧縣今盜熾乞加築縣城從之其太祖真容命進上兵部報寇薄江上掠舟自丘縣至臨清萬耳恐防山東保定二撫急沿河堵禦

建 犯大同馬蓮口有大峪村諸生張桂抗敵死之

癸未王進忠等自洛陽偃師趨登封以掩其前至登封戰斬二百九十四級奪牛馬五百有奇

乙酉刑科給事中何楷言八事訂新例行久任酌分理重會審嚴斃獄革羈店飭聲冤寃造訪部覆從之

官兵援棗陽大敗守備吳 死之

在乙酉下 丙戌 張其威等以六百入援宿松至十里鎮龍山中

伏敗寇亦多傷而遁

盧象升報朱龍關關山之捷斬六百七十六級奪馬騾四

百有餘

陝西副總兵張外加以游擊李建功侵餉兵變被殺

在乙酉前甲申寇圍滁州太僕寺卿李覺斯等力拒之盧象昇救至
祖寬以精兵戰城南楊世恩以步卒出城北擊敗之寇北
走鳳陽知府支應節砲卻之焚正陽鎮編筏渡河而北一
奔懷遠一奔壽州餘奔穎霍懷遠無城而潰遂向靈璧虹
縣總督漕運朱大典遣副總兵劉良佐薊密游擊苗有才
等戰蒙城之陳搏橋寇走毫走歸德永寧監軍道王繼謨
同副總兵祖大樂逐之有龍山穀熟之捷

甘肅總兵柳紹宗敗賊惠登相於寧州初賊西掠蘭河南
犯會寧洪承疇檄左光先與紹宗合擊破之賊窮蹙請降
巡撫甘學濶受之安插其部數萬人於延安尋劫掠如故
乙酉寧夏卒饑索餉殺巡撫右僉都御史王楫幸兵備副
使丁啟睿撫定之斬禍首七人
辛卯瀋陽降夷麻打等六人至自寧遠

壬辰總兵祖大樂王進忠羅岱等於裕州南陽連敗賊斬
七百二十七級賊南奔

淮安武舉陳啟新上言今天下有三大病曰科目取人今

之作大孝弟與堯舜同轍仁義與孔孟爭衡及見於政事
恣其性情任其惡酷而民吞其聲貪而民吸其髓是政事
文章兩既相悖亦何賴以科目取人哉曰資格用人國初
典史馮堅任僉都貢士彭友信授布政秀才曾泰授尚書
何嘗以資格限嘉靖間猶三塗並用今惟尚文塗又自分
界貢舉止於貢舉明知歷任有限清如是貪亦如是毋寧
貪以為子孫計若進士則天下之爵皆其砧几上物天下
之官皆其朋比橫行莫問及曰遷轉不曰其俸久則曰其
資深誠有如 皇上昔諭所謂聖旨可藐暮金自如者亦
何取以資格用人哉曰推知行取科道舊例選給事御史
以進士舉人教官等官項除之無行人博士中書及推官
知縣弘治間兼助教教官嘉靖中舉貢監生一體考選萬
曆初猶行取推官知縣進士三舉貢一今惟選進士彼受
任時先科道自居守巡以科道相待故虐民凌斃民既不
安又能已於亂乎亦何取以推知為科道哉國家受此三
大病章句無用黨與日盛苛暴日加羅網日密惟利是好
非情不行竟成一迷局而不醒矣再陳治病之藥其說有
四而專拜大將之法附焉一停科目以黜虛文一舉孝廉

以崇實行一罷推官行取以除積橫之習一蠲災傷錢糧
以蘓累困之氓今之將不堪用矣仰鼻息於文官聽提掇
於下吏威望既莫重於平時號令胡能施於對壘今當徵
求真才聘請登壇行推轂禮一切重務聽其便宜行之有
司官民不悛拊循不實者亦聽處分罷監制焚謗書如此
漢高之壇文帝之細柳燕之金臺復見於今也民怨可平
寇胡可弭矣 上異其言立授吏科給事中命過第直陳
無隱又奏中及高郵武舉張抱赤與屯書令錄上

楊士聰曰陳啟新聽於正陽門下實由曹化淳聞之於

內自古小人進身未有不自中璫者也

談遷曰 上方銳意求治思改易弦轍復國初之舊陳
啟新狂言無忌適投其會闕門之典首倡倖塗後 上
亦知其人無足重第耻於示過以庸衆人寘之則聖意
固自有在也

乙未荊州兵援襄陽又敗千戶張 死之

亳州知州葉景先守備查應才敗賊於盧家廟賊從歸德
永城奔考城儀封蘭陽總兵陳永福夜襲斬百八十六級
丁酉鍾价為大理寺卿熊文燦為兵部右侍郎

戊戌吏部尚書謝陞等疏救陳子壯不聽
己亥總兵楊正芳擊賊當陽大敗之

庚子禮部議選宗才曰薦舉先由五宗保結長史據結詳
訪啟親王核勘開才能實跡以聞曰考驗部院疏列學行
俱卓博學多聞精於心計熟於刑名嫻於禮樂文章兼通
屯田水利保障拊循一一叩其經綸各分差等請臨軒策
問或召對平臺然後因才授官曰換授祖訓換授官職明
旨謂是否必拘原品明品級之不必拘也在外府佐州縣
正以及教職在京則中行評博以及部曹俱筮仕之秩俟
有成績而遞進焉今換授國屬請一循其序曰陞轉 祖
訓陞轉如常選法曰舉勤黜陟自應一體曰體統賢宗居
藩邸則宗藩規儀出而服官體統一准官制曰解任宗室
服官第支官俸及解任則原祿具存

辛丑修太廟

李玄為順天府尹

封海神護國濟運顯應平浪元侯

壬寅故

楊呈秀贈光祿寺少卿故

平安贈都

督僉事

癸卯大同殺胡堡有三千餘騎殺降夷八犯屯北口
甲辰官兵至殺胡教場

乙巳山西饑人相食

是月河南總兵李重鎮逐賊不即進

浙江提學副使黎元寬劾溫體仁私囑生童體仁奏辨不
問

三朔午朔大同遁官兵斬五百五十四級

寇陷和順縣

杜三策梁天奇為大理寺左右少卿袁鯨張元佐為左右

通政

工部右侍郎劉宗周言痛憤時艱略曰 皇上以不世出

之資際中興之運即位之初銳意太平直欲躋一世於唐

虞三代甚盛心也而施為次第之間多未得要領於是屬

意恢遼而賊臣以五年滅胡之說進更為禍胎己巳之後

謀國無良 氛孔熾震及宗社朝廷始有積輕士大夫之

心自此耳目參於近侍腹心寄於干城治術尚以刑名政

體歸之叢脞天下事不覺日抵於壞故自厥衛司譏防而

告訐之風熾自詔獄及士紳而堂簾之等夷自人人救過

不給而欺因之習轉盛自事、仰承獨斷而誦佞之風日
長自三尺法不伸於司寇而犯者日衆自詔旨雜治五刑
歲躬斷獄以數千計而好生之德意民自刀筆治幽綸而
王言聚自誅求及瑣屑而政體傷自終罰在錢糧而官愈
貧吏愈核賦愈逋自獻朴日繁而民生瘁自嚴刑與重歛
交困天下而盜賊徧起自總理任而天下之功能薄自監
紀選而封疆之責任輕自督撫無權而將日懦自武弁廢
法而兵日驕自將懦兵驕而朝廷之威并窮於督撫自朝
廷勒限盡賊而行間日殺良報級以幸免無罪使生靈塗
炭事益亟矣天啟聖衷一旦撤總監之任重守令之選下
兮旌之檄嚴酷令之威維新之政方冀與二三臣工洗心
剔慮以聯泰交而不意君臣相遇之難也得一文震孟以
單詞報罷使大臣失和衷之誼得一陳子壯又以過戇生
辜使朝廷無吁咈之風此其關係於國體人心又非淺鮮
者於是求治愈殷紛更四出市井雜流咸得操其訛說投
間抵隙以希進用而國事愈不可問 皇上不過始於一
念之矯枉而積漸之勢釀為厲階遂幾於莫可收拾則今
日轉亂為治之機斷不可已夫 皇上所恃以治天下者

法也而非所以法也所以法者道也如以道則必首體上天之心以敬天而不徒倚用風雷則念祖宗學古之益以率祖而不至輕言改作則必法堯舜之恭已無為以簡要出政令法堯舜之舍己從人以寬大養人才法堯舜之從欲而治以忠厚培國命并法三代之發政施仁亟議拊循以收天下洋渙之人心而且還內庭以掃除之役杜後世宦官之釁正懦帥以失律之誅杜後世藩鎮之釁慎宗賢以改職之塗杜後世宗藩之釁除此三大釁而苞桑之業又何虞夷寇哉此蚩、潢池言撫言剿總非定策但言尺一之詔痛言前日所以致寇之由與今日不忍輕棄斯民之意乃遣廷臣賈內帑巡行郡國為招撫使招其無罪而流亡者一面陳師險隘堅壁清野聽其窮而自歸誅渠之外不殺一人此聖人治天下之明效也武生新授吏科給事中陳啟新片言投契立置清華稱一時盛事第本生之品未可遽信乞先令以冠帶辦事黃門稍如試御史例俟數月後果有忠言奇計實授未晚不然如名器可惜何皇上天縱聖明而諸臣不能以道事君徒取一切可喜之術以熒主聽使國論愈紛治效愈艱臣竊痛之疏上不報

都督 劉伏威為總兵官鎮守天津

兵部考選軍政罷大同東協副總兵鍾宇又王承胤陳謙張星俱妄自陳下督按申飭

丁未賊從南漳陷穀城焚掠靡遺

大興斥吏賈鳳祥等前提學御史袁鯨今鯨轉右通政許奏鯨通政使思輝駁奏

戊申巡撫山西右僉都御史吳姓言聞喜沁源等縣人饑相食命卹之發三萬五千金賑濟

總理盧象升薦前高平知縣侯弘文為監紀推官

己酉故

王肇生贈太常寺卿

吏科給事中陳啓新直登聞鼓言去年都司倫自化有平胡平寇時政三疏通政司不以聞 上責之

庚戌福建右衛經歷吳鯤化劾故巡撫雲南右僉都御史錢士晉婪狀并刺其兄士升召雲南奏差段錦繡細問大非體士升奏辨又士晉前沒不問

盜陷竹谿房山知保康城空不入

辛亥臨邑諸生邢王俞上足餉四議不報

犯延綏西路龍門堡拒卻之斬七十一級

寇自登封邵城之控逃石陽閔時伊嵩之寇萃於汝州魯山向南陽往來歟忽均州土寇同流寇焚武甯侵鄖西自河渡江入襄陽復折入回浙川陝西寇亦出閩鄉靈寶入內鄉浙川山中與前合巡按河南御史金光宸請速東總兵祖寬及副總兵騎營火器營宜進伊嵩以左良玉由河維截於宜陽永寧副總兵王進忠周維坊宜進魯山南召葉裕而雷時聲劉肇基等預截於邾靈寶賊盡而西則秦兵犄角合擊焉兵部足潼關以外南經宜陽羅山魯山南召各縣至於浙川屬河南巡撫陳必謙自浙川西經上津鄖西竹山房各縣至於九江屬鄖陽撫治宋祖舜自九江外經西安商洋興安各處至潼關屬陝西巡撫甘學濶各設防截賊、在秦豫山中聞其向來糧米多由浙川水運以通荆襄賈販可艘而致之宜令南陽府遣官往浙川斷運報可

壬子王邦柱為太僕寺卿史堃徐鑛為大理寺左右寺丞都督 趙官為總兵官駐寧遠團練

平陽參將虎大成敗賊於交城共斬一百九十一級諭兵部勒總理盧象升及河南陝西鄖陽各撫剋期剿寇

軍令狀奏聞

甲寅大寇自鄖陽竹山平利白河洵陽西犯興安

王業浩吳光義為兵部左右侍郎王世德為右副都御史

巡撫雲南兼建昌畢節東川贊理軍務兼督川貴

乙卯先是御史張壽祺揭溫體仁體仁引疾不允 上慰

其出壽祺又奏辨通政司倪思輝以聞命勿上

工科給事中郭九鼎疏救陳子壯不聽

巡撫河南右僉都御史陳必謙奏敗寇之北折也闖賊數

誘別部先從陳杞大許禹郊西奔櫻官軍之鋒而身自中

牟家登封深山僻境避諸軍之銳然官兵邀擊一由葉鄧

奔鎮川鄧州一由魯山^南裕南一帶村落荒涼樹皮剥盡

亦兵寇俱饑二月二十一日滑入楚之襄郟亦間走內鄉

浙川別部出商南或擾靈寶永寧賊情變幻而剿局因之

矣

丙辰刑部主事錢啟忠言八事停折派開撫議清刑獄惜

人才獎清吏勸勞臣宥愚直恤義烈

巡撫陝西右僉都御史甘學濶報北路諸賊奔慶陽之合

水真寧西路汧麟游諸寇奔寧州一奔平涼之靈臺涇州

又總督洪承疇報四川總兵侯良柱協剿賊於鳳縣之三
江口走犯城固洋縣共斬三百七十七級賊逃山間總理
盧象升言李自成等大賊奔漢江南餘賊觀望秦豫間豫
楚秦川大山綿亘千山賊出沒無端若奮窮追何地可
歇凡崇岡峻嶺家箐深林板木懸崖日行三四十里馬行
不能進人若於登此時折色銀無所用本色糧無從運車
驢無所施勢必以人負米二斗隨兵來往日食一升一供
兵一自贍十日而二斗之糧盡毋論此十日內遇賊否勝
賊否而以千兵入須千人肩運萬兵入須萬人肩運糧以
兵運不出十日而俱歸於盡矣

丁巳報寇掠宜都夷陵枝江松滋歸州興山遠安

賊犯鄖陽總理盧象升率官軍敗之

庚申賑南陽災民三萬金

巡按蘓松常鎮御史王一鶚薦屬官周延儒等以濫及廢
籍責之

辛酉鄭崇儉為右僉都御史巡撫寧夏

癸亥巡撫陝西右僉都御史甘學淵削籍以免巡按錢守
廉論其苛索飾報也仍聽甚

甲子葉燦為南京禮部尚書程國祥為南京戶部右侍郎
兼右僉都御史總督糧儲

巡撫遼東方一藻改兼備倭兵部右侍郎兼右僉都御史
唐王聿鍵奏南陽游饑有母烹其女者

貢士黃光藻彭廷讚林崑輝劉除名

乙丑國子祭酒倪元璐言昨見湖廣黃安縣學生鄒黃遵
旨具奏妄行薦舉及臣名不勝駭異陛下求言若渴本

期宣隱燭幽而宵人遂以干進薄孔孟為糠粃網箝紳為
桃李一月未久蠱涌波騰凡夫游閒失志之徒狡獪生風

之輩無不人驚蔡澤言擬千秋以至市譚優詎悉形奏記
顛魔醉嚙敢藐天威吳鯤化以部民恭及撫按鄒黃以下

士薦及朝紳如是而望天下宣力之臣自好之士揚眉昂
首以集事致功豈可得乎上是之

丁卯故貢士吳江張期贈翰林院待詔

河南永寧礦徒作亂

戊辰孫傳庭為右僉都御史巡撫陝西

誠意伯劉孔昭劾國子祭酒倪元璐棄妻陳氏封妾王氏
又及聽選監生許重熙所著五朝典注訛上命燬之

吏部文選郎中金麗兼以徇情添註鐫二級
已已諭兵部曰邊臣閱視須減從分投出其不意并禁覬
索以示拊卹豈得輿蓋招搖鋪種結綵出城放砲離信送
迎且道臣不去轉委佐貳恣索詐害苦軍靈防莫此為甚
巡撫所司何事令葉廷桂實奏

辛未開封推官湯開遠被逮許行間自贖
永順桑植添平等土司進馬諭二十餘日以魁梗也仍給
全賞

大學士錢士升上四箴曰寬以御衆如天之覆賢愚併包

功過在宥大絃毋急六轡毋驟不兢不練世躋仁壽蕩

巍、大哉我后曰簡以御下若網若綱要領獨挈條目畢

張無為守正垂拱明堂執要則逸好詳則荒程壽衡石徒

歎章光曰虛以宅心如鑑斯空妍媸好醜畢獻形容寂然

不動感而遂通以意索照億逆填胸隣鉄市虎載鬼張弓

曰平以出政如衡斯準輕重無觔衷益必允舜貴執中孔

戒已甚救弊矯偏參調詳審畏卒怖始罔或不凜

故總兵張全昌報澄城賊北走中部宜君廟延其攻宜君

縣賊西走慶陽圍合水其鳳翔賊監軍道樊一蘅同總兵

左光先戰汧陽斬九十五級遂走靈寶涇山中商維賊
走鄆陽河南時兩路賊皆在慶陽止闖將一部也闖將李
自成自環慶奪固原之北鎮戎所預望城復走海刺都西
安之乾鹽池近寧夏河東及靖虜城晝夜不息又賊欲西
奔臨洮鞏昌左光先疾趨前遏斬四百二十五級
壬申廬江布衣吳之俊上書內請開礦不許

總理盧象升報寇渡江窺鄆襄

癸酉偏頭關參將桂聯芳失事戎邊

命引涇水灌涇陽三原醴泉高陵臨潼之田

令習武經騎射生童自十年始其鄉會期十二年

甲戌撫治鄆陽右僉都御史宋祖舜削籍祖舜輕寇追之
失利亡其印符

是月布衣泉州杜孟麟奏團練鄉兵無分毫之益而賺其
害何以言之歟張傾之士將帥鈇鉞尚難得其死力矧
督以鄉人狎見新嫗安令其走死如鶩哉此無益於戰也
即云各守身家不知貧富相凌久矣平居尚且側目變更
快心又富人累重貧人裝輕安能強其身捍強敵哉此無
益於守也又云富出食貧出力患難相倚夫親兄弟猶兢

過而逃何變之恃緩則借富食以苟延急則藉富賢為奇
貨耳此又無益於緩急也近習澆漓此輩念口體迫饑寒
便生不肖假之以聚黨置械之便是生事之害團練為兵
必眇視官府州縣守備單弱告捕必抗籍束必凌是滋患
之害且鄉兵猶之石田也責以捕剿則藉口保家束以什
伍又非糈募迨至行劫託於捕剿益不可言是冒虛名實
禍之害

華陽王至滬奏請冕弁二服許之仍命親郡王以後非六
世以上不得混請換給冠服

四
乙卯亥朔灤州地屢震

廣東道御史唐爾選言倖售挾逞刺及陳啟新 上切責
之

丙子吏部覆中外官薦舉共二百人 上召對武英殿

苗胙土為右僉都御史撫治鄖陽

武生李璉奏致治在足國請搜括巨室閣擬旨下之法司
不聽

丁丑令有司務修練儲備母科擾

大學士錢士升上言昨發下武生李璉疏御批改票此票

乃臣所分擬原粟實出血惘有不敢不為明主忠言者自
流冠蔓延所在蹂躪 皇上憫生民惟悴憇吏治之貪殘
因陳啟新直言擢置省闈豈真謂其言遂謂其言遂為確
論哉母亦借此以磨礪縉紳動其媿懼耳乃比來借端倖
進者實繁有徒然未有如李璉之誕肆者言縉紳豪右報
名輸官而欲行首實籍沒之法此皆衰世亂政載在史冊
目不忍覩而敢陳於聖人之前小人無一忌憚益至於此
其曰縉紳豪右之家大者千百萬中者百十萬其萬計者
不勝枚舉臣不知其所指何事就江南論之士民豪富數
畝以對大率以百計者十之六七以千計者十之三四以
萬計者千百中一二江南如此他郡可知且所惡於富者
兼并小民魚肉鄉里耳郡邑之有富家亦貧民衣食之源
也非獨貧民倚命亦國家元氣所關也兵荒之故歸罪於
富家之朘削議括其財首實而籍沒之此秦始皇所不行
於寡婦清漢武帝所不行於卜式者也此議一倡必使無
賴亡命之徒相率而與富家為難大亂自此始倡此橫議
以搖動人心其包藏異念豈直借端倖進已哉初璉疏責
改票內鈐抄錄前諭通政之旨士弁意欲申飭溫體仁曰

上欲通言路以所擬太重耳遂改擬姑不究是日召對陝西巡撫孫傳庭於煖閣士升出以疏上體仁止之不聽夕即下筵疏寢不行明午有旨切責士升密勿大臣與外臣不同况值召對即應面奏何必退生議論即欲名譽前路已足致之母庸汲汲

談遷曰李璉請搜括巨室彼細人不足道者工部主事李逢申嘗請商賈月權若干縉紳量所有捐助其半嗚呼士大夫持論如此其細已甚可勝歎哉末後搜括京城國隨以止則嘉善所言未可忽也

戊寅寇犯洋縣

總兵秦翼明以步卒逐賊於南漳深入山中李卯轉戰五六十里敗之襄穀均漳始無寇

建 窺歸化城

己卯故 蕭茂烈贈應天府經歷

壬午總兵鄧祖禹敗賊於鄖陽

大學士錢士升乞休許之初溫體仁結士升其入相體仁凡有所為每推之令先發而後繼之如用冢宰謝陞總憲唐世濟皆體仁意也而士升成之及體仁逐文震孟頗引

士升為証士升亦有助體仁語及所進所退已定士升
前吳鯤化訐奏士升第士晉即擬嚴旨仍囑同事林鈺毋
泄言欲借第以逐其兄也至是士升去位自無損而常為
體仁所用幾受其累體仁視之如遺也體仁立心概如此
國家元氣剝喪良多至於胡魁交訐不展一籌則凡居政
府皆如是不獨體仁也

錢士升曰余以甲戌春入佐機司代言之暇粵稽六十
年來絲綸稿簿暨起居注所載閣揭其間繁簡縣殊不
啻倍蓰大約揆局凡三變云萬曆初

冲聖委裘重臣

柄國其時政地精神內與帝座相通外與六曹相攝遠

與邊鎮文武將吏相呼應指嚮所注疾於風霆令重居

尊議論少而成功博此一局也晚年海內無事封章十

九不報於是太倉歸德山陰福清諸公爭國本爭礦稅

爭起廢爭考選補大祭日無虛饋甚且大聲疾呼不少

忌諱而神祖從淵默中迫而後應故其時王言少而

奏牘多又一局也熹廟之季婦寺為季矯命夷於駢

詞獻頌擬劾進無譏矣聖明御極綸綍渙頒天下翕

然誦堯舜焉十年來勵精幹蠱綜覈名實而當國者亦

鞠躬竭慮以稱上指凡題請奏報以及錢穀刑名之靡
碎斷無稍縱舍取旨輒色喜即不當駭改至再則惶
怖請罪更端射覆盡喪其所懷來矣故比來詔令嚴密
較萬曆間日當月月當歲而還詔補牘之風邈如此又
一局也

癸未故

鄭翔贈副總兵

禮部尚書姜逢元左侍郎劉宇亮言御試會試二三場兼
武經書策放榜後驗騎射如南人十不得二西北人十不
得三將提學官恭治上從之

初御史言天下生員舉貢兼習騎射蓋將合衆騎射禦胡
寇中外咸曰便

甲申總兵牟文綬鎮守泗州

太子太保駙馬都尉齊贊元郎中設神宗顯皇帝光宗
貞皇帝神主蓋公主存日朔望瞻拜者上聞而按之則
遂平長公主婚禮開司禮監送神位四墨寫大明宗廟皇
陵光宗貞皇帝孝元貞皇后孝和皇后各神位又硃墨
寫大明皇帝萬壽景命真君光廟懿妃景命星君牌位
二原無神祖顯皇帝神位瑞安大長公主延慶大長公

主壽寧大長公主寧德長公主樂安長公主各婚禮底簿
皆同惟廟號互異俱司禮監造送不知始於何時公主將
薨即焚訖上遂不問

乙酉泃河濬成

免工津等十五州縣田租仍賑粥

丙戌罷

傅宗臯

工科給事中張元始言崇禎五年以前逋租恩詔蠲卹若
婪官透吏那移及勢豪恃頑不納豈容溷免着新按臣嚴
查實報不許徇隱臣愚以已征在官自宜查解如員在民
當一體蠲免惟勢豪頑戶摘參以警將來若使五年之內
再加搜索朝廷受反汗之名有司收染指之實聖明恩詔
竟為掛壁良可惜也

廣東道御史詹爾選上言大學士錢士升引咎回籍明乎
輔臣以執爭去也此舉差強人意皇上方獎許以示鼓
舞之不暇顧以為相疑以為要譽耶人臣無故而敢疑於
君非忠也若乃全不敢執謂其君萬舉萬當恐容悅之借
名亦非忠也人出而習於沽名義所不敢出也乃人主不
以名譽鼓天下使其臣爭為尸位保寵習成寡廉鮮耻之

世界又豈國家之利也况今天下疑 皇上者不少矣何也
也以天下人對 皇上皆中才以下之品也知常而不知
變知平而不知奇知法後三而不知道遠代如尚方劍不
靈將卒驕懦日甚 聖意威激威於斧鉞也而人見億萬
之生靈徒^供黷^幹之追留則疑過於右武穿札與操觚並課
非是弗錄 聖意取聰明才技分注於騎射以助武臣之
不振也而人見賣牛買馬絀德齊力徒使強寇混跡於道
塗則疑緩於敷文免覲之說行 皇上意在暫甦民困而
或疑朝宗之大義反不值數萬路費之金錢駭問之事日

繁 皇上意在痛懲奸頑而或疑明啟之刑書能當幾萬
加等之紛亂其君子憂驅策之無當其小人懼陷累之多
門明知一切苟且之政或拊心愧恨或對衆歎歎種、隱
情有難殫述輔臣不過偶因一事代天下發憤耳而竟鬱
志以去也輔臣以言去自後大臣無復敢言矣大臣不敢
言而小臣愈難望其言矣所日與 皇上言者惟此苛細
刻薄不識大體之徒似忠似直如狂如癡售則挺身招搖
敗則潛形遁竄駭心志而燭耳目毀成法而釀隱憂天下
事尚忍言哉

戊子許順天府學訓導朱正春賜名克聚應試北場加解
額一人不為例

山西代州都督王忠報剿三座崖煉銀山土寇時陝西監
軍道劉三顧招撫賊過天星等安置延安巡撫山西吳姓
奏定邊失利與西川掠河岷者即降盜也

諭釋輕繫

大學士溫體仁等各捐俸市馬以閱視閩寧太監高起潛
請之也工部右侍郎劉宗周言一歲之間捐助陵工城工
又短墻馬價亦何報稱於萬一而時奉急公之旨諸臣於

此毋乃沾、有市心此臣所謂利也且輯瑞何典也亦議
以捐助免倘遂行之辱國滋甚請皇工罷得已之役停
不急之務事、從節省愛養起見不徒為粉飾太平與控
億成敗之計勅戶兵工三部立定規模不得多兵多餉多
器械以國予敵而亦毋事胥、言利為矣

己丑廷試拔貢士

先是總理盧象昇自南陽鄧州赴襄中同湖廣巡撫王夢
尹進師河南巡撫陳必謙亦討內鄉浙川餘寇祖寬李重
鎮兵由荆門達荊州防其奔軼荆襄檄秦翼明副總兵楊

世臣等搜山祖大樂由光鄧夾擊內鄉浙川時江北賊盡
河南賊少大魁俱界秦楚萬山之中竹山知縣黃應鵬竹
溪知縣魏鎮安鄖西知縣劉伯元俱遁
辛卯官軍敗賊於萬安監

命簡閣臣吏部推姜逢元賀逢聖方逢年姜曰廣黃士俊
黃道周唐大章謝陞唐世濟

建 薄宣府大同塞下

壬辰故

毛堪贈南京工部右侍郎

癸巳廷試歲貢生

召文武大臣及御史唐爾選於武英殿 上怒爾選詰之
聲色俱厲爾選從容不為詘問奏內如何為苟且對曰即
捐助一事亦苟且也侃、數百言且曰臣死不足惜 皇

上幸聽臣事尚可為即不聽臣亦可留為他日之思 上
益怒欲下之獄閣臣申救良久命頒繫直廬明下都察院
處分左都御史唐世濟議罰俸 上以所議涉謬并三稿
御史張三謨削籍 爾選辛未進士

談遷曰 先帝非復貨之主也聖性英露喜迎惡拂尤
以幣詘計佐其急如蠲折不許猶曰仍務軫卹議兵曰

團練卿勇開納曰銓法無礙將順已極又屢行捐助謂諸臣之自急公而要非諸臣意也狀於君相群靡然趨之耳毋論為抵壁投珠者所冊笑而本朝俸薄割養廉之需以填卮漏何異毫末且苞苴乾沒朕削攘奪互登其毒民寒傷國大盜日拱手而睨其旁嗚呼唐氏所云留為他日之思、何及之有百夫諾、不如一士之謬譎唐氏犯顏極諫假言路盡若而人也國家安有方蹶之憂哉內臺議處是時復有魯國一男子殺然爭之唐氏當不深罪而繼之者誰乎噫

予故博平侯郭振明祭壘

甲午刑部尚書馮英以雷應龍等站配奉旨輒行改贖藐玩命下獄時英旨下法司擬罪英自赴獄左侍郎朱大啟署部事以聞上謂原未令赴獄遂出私邸待罪初因例有囚糧後囚衆糧少廣西司主事王夢鼎視獄請增給英每月增米二十石量行改贖得罪大啟於是各捐俸接濟上謂大啟飾卸有旨下吏部大啟夢鼎議處

戊戌攸縣賊殺典史張芳素

陳子壯釋獄時唐王聿鍵劾其議禮不合謂已謹不問

己亥故 參政盧謙贈光祿寺卿廕子入國子監故

張維恭贈應天府教授

重慶翟昌進白兔斥之

辛丑傳制冊封

唐王聿鍵奏二月蒙頒欽定宗藩規儀又諭云後地方官
再有藐玩抗違王即查奏各宗亦當恪遵祖制毋出越封
奏今諸王不遵凡拜進表箋臣步送郊外諸臣仍乘馬又
諸臣及進士舉貢人見俱徑上馬承運殿啟本與奏
本同至今諸臣啟本仍如尺牘院司至文移行批該藩又
命婦不內賀生日又各官道值不避命遵旨查明具奏

曠鳴鸞為光祿寺少卿

總理盧象升次維陽會師

是月龍英州叛目趙廷猷附莫敬寬內犯若盈州總兵王
揚德率兵斬二酋仍諭莫敬寬擒獻廷猷并所掠人畜以
歸

五甲辰朔米脂賊攻綏德聲言入蜀又別部攻邢臺

丙午盧象升同河南巡撫陳必謙遣祖大樂赴永寧李重
鎮赴靈臺

丁未瑞王常浩請留參將唐通於漢中許之時通調延綏
戊申寇攻均州總兵秦翼明卻之

總督京營襄城伯李守綺免落太子太保

辛亥成國公朱純臣總督京營

予故

李孫宸祭壑

故都察院左都御史吳時來孫濟惠求廕不許

癸丑詔曰朕仰承天道俯御萬方念此軍民誰非赤子止
因官貪吏狡年歲凶荒致饑寒所迫甘作非為一二無知
漸至脅從遂衆數年來亡辜被僇不知其幾矣朕痛心則

念寢食靡寧目今在豫者已困饑深山在陝者零星竄伏

行將大兵加剿必定玉石難分雖指示生路猶恐各官舉

行未善若輩猜懼多端或疑將領計誘殺降或疑有司分

別看待或慮日後奸棍詐害或慮目下生銷業止種、深情

良可矜閔為此再頒赦書遣官馳諭各撫按大書榜示從

俗開導如有悔罪投誠棄邪歸正即稱救回難民逐一查

明籍貫本地編入保甲在各省分起護歸各安井里之樂

永消反側之心道府有司即以難民收復多寡安插得所

為殿最違者指參重治其或才力出衆願向督理軍前効

用者聽其圖功自見一體叙錄如怙終不悛即合力夾剿務盡絕根株無滋餘孽撫順剿逆朝廷法實無私出入生若等不可失筭詔布遐邇咸使聞知

清江縣南城陷二十餘丈入地深二丈有奇

甲寅張維世為右僉都御史巡撫宣府

丙辰延綏總兵俞冲霄擊賊於安定敗沒失亡三千餘人冲霄前有高粱之捷故輕敵賊收榆林敗兵為導夜從綏德井兒山至米脂知縣温應星力守城得全賊犯榆林令奸細潛入約內應賀人龍伏兵鎮川堡臥羊峪山賊至峯

烽伏兵起賀兵從外榆林兵陷賊者從內夾擊賊死無筭會大雨無定河水溢餘賊又多溺死僅李自成張能劉宗敏數百騎西奔高一功以賊萬餘從固原來合隊復犯邠

州

已未故

宋鳴梧贈左副都御史諭祭不為例

庚申滋陽知縣成德逮至下錦衣獄德性剛激在縣頗斲人杖下前大學士文震孟入都郊迎稱門下士已坐臺劾被逮德連章攻温體仁凡十上盡發其奸狀母張氏伺體仁輿出輒道詬之德移獄刑部徵贖二千金成延綏

談遷曰世傳成德治縣忤知府王國賓借其入文相國
之門羅織於烏程而實非也其師文相國誠禍本矣而
王國賓不預焉成公以氣勝嫉惡如仇聞決月杖斃數
十百人則其受劾或別有繇惜余未聞其詳故不敢拾
唾而譽之也

陝西華亭知縣郭養民撫魁被執戍歸之失印

辛酉故和州知州黎弘業故御史馬如蛟並贈太僕寺少

卿詹子入國子監故張元貞贈鴻臚寺司儀署丞

故唐正諫贈國子監丞故趙光遠贈國子學錄

故張時行贈建德王簿卜謨贈山陰王簿卜

志平樂王簿

壬戌上祀北郊

琉球貢使蔡錦等還國

寧夏總兵祖大弼等杖死寧州驛丞兵部奏奪其都督銜

丁卯議旌吳江烈婦張士栢妻陳氏士栢天富人徐仁育

嫁不從知縣章日灼以刑拷致自刎於巡鹽御史路振飛

所日灼尋沒

戊辰故李時華贈國子助教故

朱冢彥贈

國子學錄故

張社贈河內主簿

已巳官軍敗賊於洛川

是月故副總兵湯九川擊賊嵩縣敗沒

降盜張天琳安置延安復叛謀渡河入山西李自成馬守
應馬盡忠等數部自楚豫入商南雒南大嶺而真定順德
王剛遺孽復作

陝西盜混天星九條龍等在林縣固原分營聞張天琳叛
合謀犯蘭州河州南犯全寧安定洪承疇以甘肅總兵柳
紹宗同左先先追之乾魚池遇賊仍東奔

總兵秦翼明戰上津花嶺固鄔西燕子溝共斬二百九十
級

兵部尚書張鳳翼以職方員外郎包鳳起賚詔招撫群盜
鳳起奏撫則當講撫之地今日寇黨俾回原籍鄉人指目

一言詬詈彼不甘心則原籍不可強之使回也西安延安

河南安陽屠掠之後有兩城可并為一城兩村可并為一
村以空城空村即為安置按戶口編里甲給牛種三年而
賦南陽裕葉間遠者百二十里人烟幾斷於中路設一縣
徙流民實之撫則當講撫之資彼渠魁挾有厚利脅從者

多赤子且酌行賑貸牛種諸費將於何出撫則當講撫之人以解散屬各撫以安插責司道守令必專心料理如可居可耕新附樂業在舊民不擾須擇才幹縣官專其事縣務另行委署事畢優叙

前南京少詹事姚希孟卒

六明成朔刑部侍郎張至發吏部右侍郎孔貞運禮部尚書賀逢聖黃士俊各以禮部尚書兼東閣大學士直文淵閣

乙亥大學士林鈺平鈺字實甫同安人萬曆丙辰進士及第授翰林編修歷

崇禎丙子七月召入閣丙子

正月進禮部左侍郎兼東閣大學士予祭塋贈尚書謚文穆

故李孫宸贈太子少保

丙子前禮部左侍郎兼東閣大學士文震孟卒撫按以閑住不以訃聞

癸未司禮太監曹化淳同法司錄囚

乙酉洪承疇奏秦中兵今實數共騎步一萬三千七百有奇見選川兵五千三百餘人俱步卒專監田商維等處堵

剿秦豫接界之寇先是闖將衆約三四萬張天琳滿天星衆約二三萬混天王衆約二萬歷次剿散混天王逃延綏定邊勢孤復令闖將至張天琳滿天星等今奔延綏安定安塞猶可督責收拾闖塌天闖王蝎子塊等俱出鄖襄已奔興安漢中進則入三秦退可犯楚豫亟宜合兵湊餉力圖協剿

丁亥總督洪承疇詹錦衣衛副千戶巡撫張伯鯨詹錦衣衛百戶一輩

己丑仇維楨為順天府丞

庚寅曲陽王府朱天祐工書言事以越闕瀆擾不納夜子刻有大星如斗色赤芒耀約十丈自西南流東聲如雷占東省災

甲午前南京刑部尚書姚士慎卒士慎字 平湖人萬

曆甲辰進士選庶吉士改吏科給事中庚戌請告不奉旨遽出請福建布政司照磨丙辰遷行人右司副戊午尚寶丞庚申光祿少卿歷南京刑部右侍郎進尚書致仕年五十九

故

孔聞籍贈光祿寺少卿

己未姜習孔為南京鴻臚寺卿

戊戌成都督王威為鎮西將軍總兵官鎮守延綏

工部右侍郎劉宗周罷

蔡國用鍾灼為工部左右侍郎陳贊化薛國觀為右副僉

都御史劉之鳳為通政司使林宰為南京兵部右侍郎

己亥巡撫河南陳必謙趨南陽令南陽知縣何騰蛟諭浙

川賊不聽總兵解進忠自往被殺

辛丑熊奮渭為尚寶司少卿

夜太白行張宿十度犯木星

建 入喜峰口巡閱御史王肇坤死之肇坤字六資蘭谿

人崇禎辛未進士是冬予祭墓贈大理寺卿

建 犯居庸關昌平北路大同總兵王樸馳援擊斬千一

百四級獲百四十三人

江西饑

聖